



Мэбета вадава" ила' панан' етри' мэква"!

# НЯРЪЯНА

# НЭРМ



№ 15 (5289)  
2026 по'  
апрель иры'  
11 яля  
СУББОТА

ГАЗЕТА 1931 ПО'  
АПРЕЛЬ ИРЫ' ЮКАД ВАТА  
ХАСАВАЮДИМДЕЙ  
ЯЛЯХАД НАДИБЕРҢА

СИ" ИВ ЯЛЯХАНА  
НОПОЙ' СЕРТАБИВА"

Российская Федерация Ямало-Ненецкий автономный округ



Татта: Андрей Пяк таттамы

Ямал тахат  
тоңаш"

6



Сидяңг: Марина Яр' таттамы"

## Тарана няд"ма

Мале таякуй похона мюсерта" илебей" мяд' терха" ноб" тарана няд"мам' надимдець. Пыдо' ея' мяд капиталм' ня"марпа пяць. Тикахана хусувэй һамгэ тая. Ну, тарейха', парасин' есям', лата, хорм', сидя ханм' тер"на. Округна" тиңгывна капиталм' няд"мяць мале нока" мяд' тер" харе" иламдо' нёда пяць. Мал' нэбто' тодо" яха"на иле".

Ты" саполана иры' пудана яляхана Тасу' яв' няю' нэдалёрнаваць. Мале сян яля' сер' хуркари ехэрана ненэцие торамдаваць. Таняна илена" нобтикы та' тяха"мандо' нерня' хусувэй һавэдо' һахакуд һанэдамби". «Чумовой капитал»м' ня"амвахартар саць тарана сер"нэ толы.

Та' малыңгана нэрм' тер" серо минрена управленияндо' нэвахана мэна Прокопий Чакочич Тэсида ноб" мяд' теран' мядм' ми"һась. Салиндер Владимир Васильевич пухуцянда Анастасия Ивановна' ня' тет хасава һацекекым' вадабихи'. Теда' самлянзимдей нюмди' һатеһаха'. Нобкана СПК «Тазовский» предприятийхана манзараһаха'. Ты пэрһаха'. Ниди' һацекекы нэдаханди' теневиди'. Навнанди' нод" нисянади' тэхэ"на мюсермы".

Владимир Васильевич ма"нисяв: «Ёльце тарана няд"ма. Нямгэ вэванда таянб", хар"н тидхаленгун. Нудо' саць няно"на", турсота тараңгу". Хандо' нод" техэ яхандо' тэвра тараңгу". Нянота" ну" мюсеб", саңговота". Тэри нум' ед' тавы вэвада яңгу.

Пухуцяда Анастасия ея' мэядирм', сэдонодо манэядась. Ма"нисяв, мэядиркवादэва ни һа". Сэдаһохобидо' помнандо' ноб" нэдалава' пир". Балок' еяңэ сертаңгуда, яханандо' мале таякуй похот ея' мядо сыра' ни" мэс". Балок' еяңэ серта"махад һани' сава нэңгу. Корхавамда саву"һадась.

Тюку по' Тазовской районхана мале си"ив мяд' капиталм' мяд' терха" ми"мыць. Ты' пэрти' сянакова' яляхана тамна самляңг мяд' тер" мяцавэйңэ хэвыць. Нокханда сяни" по' ямбан' сиднет ю" мяд' тер" харто' ея' мяцавэйңэ хэвыць.

Тандарка' округна" нэвахана мэна" ерв' вато' сер' ненэциена" е"эмня һадимдембада няд"мам' хаця яңгамдавэдо'. Тад нерня' яна"

тер" ня"муванда «чумовой капитал»ндо' мюня нэда" һавори" ханярина илебо' нод" нобто"лас" нэңгу". Тикы табеком' округна" нермбэртя пидте"мяхананда мале мэйравэ-дась.

Тарем' яңгамдавы «чумовой капитал» тер" тарця": 35 мяд' ну, сидя 30 ты" хобахат сэдвы сырэй ея, сидя таңы парасин ея, хор (кор), нопой кубометр' пир" мяд' лата", нобкарт ея тебсипой" мивы сидя хан.

Есявна манэць ея' мяд' капитал' миртя – самляңг юр' ёнар" пир". Нэрм' тер" е"эмня округна" есь" пэнэсяңгад һадимдембидо'. Терда – ну", ея", хор", хан". Ня"марпадидо' нэрм' яна" мел' ненэця" сэдыбада", мимбада". Пыдо' нянандо' тарця сер" манзаядандо' тара. Нэдыбьята несэймдавы ватом' һани' теневабо' серо"на. Таняна падвы" табеком' сер' сэдораңгу", хано мимбаңгу".

Марина Яр'  
падвы

### Илна" нямна нэда юн

Ты" саполана ирыхына округна" һарка ерв' тасалковам' марцьхэхэ"ната мэ"һаць. Пыдо' нэрм' тер" ила' нямна лаханаць.



Сидяңг: Марина Яр' таттамы"

2 стр. һа

### Вырэй ныхыдырта

Небо' Яр-Салыхана ты пэртя" Сянакова' яляхана тодо" харад' тер" һацекекы" ныхыдырһаць.

Тамалыңгана Роман Лаптандер' нюмам' хэтивандо' сер' сырта" ненэця" тёрдо' ёльце я"авлыць...



Сидяңг: уамал-sport, уапао няд ханаы"

3 стр. һа

### Хо" саляхана

Хо" саля хардахана Ты пэрти" ялям' манэ"һаваць. Сё мэта", тарана", һацекекы сянакултамбада" варемдо' мэ"һаць.



Сидяңг: Руфина Окозгто' таттамы"

5 стр. һа

# Илна" нямна нэда юн

**Ты" саполана ирыхына округна" нарка ерв тасалковам' марцьхэхэ"ната мэ"нась. Пыдо' нэрм' тер" ила' нямна лаханаць. Нерде' хэтвы вададо' илебей" ненэцие" тохолкова' нямна нась.**



Дмитрий Артюхов ма"нисяв, теда' хойхана вадёданана" нацекеы" тарця тохолковам' мэпто' серо"на, сяхаринда манзара пэб"нандо' ханяри' сиддо' хана пират"ним". Нюдяко хардахат товы" нацекеы" сава яхана тохолковандо' хавна нарка хардахана иле хардадо' таниябта тара. Вэба' ирыхына НУРМК няби Газпром-техникумхана тохолкода" едэй иле хардадо' надимда. Нокханда тет юр" илебей" ненэця" танияна иле пиртадо'.

Нэрм' тер" серо минрена департаментана" ерв Ульяна Каленюк ханзер" 2025 по' ёльцянд' ю" пон' таславы концепция' манзаравам' ваде"нась. Таңок" по" ямбан' навэ" сертавамдо' хэтась. Пили' нерде' нэрм' тер" пыхыдадо' тасламбада" нопой падарт', (реестр)ан' пыхыдадо' падвы". Округханана" 98 процент' пир" ненэця" нэвы".

Нани' ноб" саць тарана юн тарця:

\*Хардахана пыхыдадо' лекаратамбавы", тамна нани" серодо' тидхалеванзы товы" таңга мякандо' тэва пиртадо'.

\*Тад нерня' нэрм' терха"на халям' наядаднэ хадабавандо' няю' сани' падро сертаба ни тараңгу".

\*Ты' пэрма', халядава', ха-

нева' няю' невхы илна" саирм' минревана" е"эмня няд"ма' есям' няхар" миллиард' пирувна нокамдавэдонзы.

Округна" «дорожной карта» хана нэрм' тер" е"эмня тет ю" няд"ма" тания".

Тюку по' ты" саполана ирыхына округна" нэвахы ерв За-

конодательной Собранияхана мэнаха" тамна нани' ноб" ватом' надимдесь. Пыдо' мюсертаха"на наамгэ' то"олха няд"ми" тарава' нямна ненэцие" помна нэда лёрпато' серо"на.

Илна" нямна тарця юнм' намдаваць.



Сидяңг": Марина Яр' тадгавы"

## Иңгней нокма

Сяхаринда наамгэри нув' сармик, я' сармик саць нокамбата няби нямда таңгыламдамби. Нокма маям' тэвра пирта. Надьбята сяхаринда нокдада пили" тасламбада. Теда' тюку илаңгана тарця тарана ватом' етри' нэдадо'.

Приуральской районхана иңгней" нокмам' ваде"на". Ханева' нямна манзара на департаментхана тарем' таславэдо'. Нопой ханена няхар" иңгнейм' хада пирна. Яханандо' саць нокмамда ваде"на. Тикэр ненэцяңг" маям' ха"авраңгу. «Полуй» ханелава ё' няна хане нэдарамамбидо'.

Ты" саполана иры' 20 яляхана сие ниць иры' 18 яля' нэсонд' хане пиртадо'. Тунито' наамгэ' то"олха нэва нани' таславы. Хора, етя иңгней ядпаңгу". Хадавыдо' таславы ватована мюмдебаңгудо'.

Нани' похона ханеван' харвана" мале нахакуд падродо' мипабато' серо"на. Я' мядотам' сохомдаван', хабартам' хадаван' харвана" сие ниць иры' пудана яля' нэсонд' падродо' ня"марпидо'. Я' мядотан' нарэй ханелаваңэ вадетадо' сие ниць иры' 12 яляхад пэңгу", маңгы" иры' юдимдей яля' ёльцянд' нэңгу.

## Яңгамдаңгудо'

Тад нерня' мюсерта" е"эмня надимдембада няд"ми яңгамдаңгудо'. Нахат ненэциена" пардондо' мале наанэдеда лабтэй' мюня ня"марпасетыдо'. Теда' тикым' яңгамдаван' харвадо'.

Лабтэй е"эйңэ пардон тэмдавандо' няю' няндо' есь тамбаңгу". Ненэця" харто' наамгэ' таравам' тэрабаңгудо'. Есян' тасла ноб" мяд' тер 1622 есям' ня"марпаңгу. Тикым' няю' мяд' тер" харе" яха"нато' падро падабато' серота. Тарцям' нани' поход минре паңгудо'.

Нерцюбт' мюсерта" таславы похонандо' пардон" лабтэй' ня"марпасеты". Тарця и' ну" сава, вэва нэвада тамна ненэцяңг" тэвуздавэй. Есяндо' нокмад хурка нэва нани' пунси. Теда' тасла лабкахана хусувэй наамгэ' мире"махад хибяри тенева, пардонна" нод' нани' ни" мирцю".

# Вырэй ныхыдырта

Небо, Яр-Салыхана ты пэртя" Сянакова, яляхана тодо" харад, тер" жацекеы" ныхыдыржаць. Тикы" пирдырта" поугана нопой мэбета хасава жацекеым' манэ"наваць. Нюртей тарем, ныхыдырць хорпавахананда таминда няхаромдэян' ха"мыць.

Тамальжгана Роман Лаптандер, нюмам, хэтивандо, сер, сырта" ненэця" тёрдо, ёльце я"авлыць... Пуна ныхыдырмам, саважэ манэ"мэда, тикан, тоходана таславэда. Харта инда сер, пыхыдамда тания, падвэда. Няданда жарка" няха"ната пивна сюрбермы, сёбар" мэлван, нобжгэв, ядэрмы.

Нямэхэна сита Хальмер" Седе"эн, нэдарамбиць. Танияны ян, сяхангарт, тэвормадавэй нэвысь. Яра иры, 28 яляхад ты саполана иры, 1 яля, нэсонд, помнандо, Тазовской, Пуровской, Ямальской район, Новый Уренгой, тер" пирдырмыць. Нокханда самляжг ю" матдонзь. Подо, юкад вата сидяхад юкад вата си"ив, пирт, тэворжаць. Сагговодо, тет юкад сиднет ю" нэсонд, жаць.

Роман саггомдо, мат" ю", 14-15 пота" поугана мэсь. Няданда мэбета янгузь, ныхыдырць пямда нобкарт, нидась нэдара". Мяканда тэв"махаданда ня"мавы медальмда жадыда ян, нэдадась. Мята тер" харбё нэвамда нули" саву"жадо. Неноховавна нюдяко няхаюда жармдыхы". Жарка неканди, тотрев, нани, мэбе"ман, харважаха".

Мань хадамда хонрадамзь:



**Жэрё, няна Роман тид" пирдырмаха" хамеко пэвы". Ялэхэ" сюрберманзь хан"мы, вэва нумгад ехэравы.**

– Романхав хусувэй жамгэмда ивьер, сертабасетыда. Хэт"махаданда вадамда нисетыда мадабю". Мэван харванамда ненэся мэжгуда. Та' хой, няна турпата нани, тарця

нэсеты. Ялэхэ" сюрберцеты. Жамгэри нум, нэя. Манзетыдм: «Нэд нэя" са"не"». Хутыта хэсеты. Манд"нив: «Ни"им ханяцей, сагговот"». Пя" помна сюрбертаханда нэховы нэжгува. Теда, хамекобта жадыбятта варемда мэць пэрманжгабя. Хэвнямна ядэрма, пирдырма нянанда ёльце сава нэ"нив". Ненэцие, харад манэта. Манд"нив: «Тамна таремрка таравынё"».

Жамгэри жамгы няхад манэпада. Нерня, нэван, харвабцода жармда.

Вырэй ныхыдырта нани яляхана Чебоксары хардан, ханда. Россия, тиңгывна иле-на" сёбар" няха"ната пирдырта. Пыда, хавнанда Тазовский хардан, ядэрмы" поугад тамна мат" ва"лэйм, тэравыць. Пыдо, сиддо, мал, округ, ныхыдырти" мандалт, падвыць. Тад нерня, «Лидер"м, нюбета сёбар" тохолкулван, ханта", варемдо, мэць пыхыдадо, тохоламбажгу".

Анна Яптик, падвы



## Жахакуд тенева тара

**Россияна" тиңгэвна жаркамбой" ненэця" илева, манзара"махадандо, нылана хэ" мяхадандо, пенсия, есям, ня"марпи".**

Тянёвна манзаравэхэ" харто, няндо, таславы «социальной» пенсиям, мипи". Хусувэй по, еся, толырм, янгамдамбидо, несэйвана толабидо. Пон, манзаравы" «страховой» пенсиям, ня"марпасеты". Манзара"мида тамась нэб", ненэць, нянда таславы есямда ня"марпажгу. Тикы, няна хусувэй хибяри" жахакуд теневабто, тара". Тарця" тарана" юне ненэцяжг" ваде"цетыдо.

Теда, хусувэй хибя, «Госслужы» мутрада тания. Тикахана тарана падарм, хось пиртада. Ненэця, манзара"мида, сянок пенсиянда еся ма"лэвам, манэта. Таславы понда ёльцэжэ

хэб", жахакуд падро ма"лажгуда. Ханяны" жамгэ, то"олха негосударственной пенсионной фондхана мэвахадандо, ехэра". Тикы, сер, хусувэй по, падродо, манэ"сарпато, серо"жа. Таддикахад интернет, мутры няд"мяць тарана жамгэм, толажгу".

Теда, Россияна" «Социальный фонд» сер нэрем яханана" пенсиям, не" самляжг ю" самляжг похонандо, ня"марпа пямби". Хасава" мат" ю" подандо, хэсь. Таддикахад ненэця" ёльцянда томб, падрода нэдабтажгу. Манзара"ма" пода, янга таславы"

«балл»да толажгу". Тянёрка" нэбто, самляжг, тамна сянхав по" манзаражгу. Нули" нэбта социальной пенсиям, ня"марпажгу. Хой илажгана иленя" ты пэртя" нина" иландо, минрена манзаито, сагговомо, нид тамна мер, ныланаванзь хан"жа". Не" тет ю" самляжг похо"нато, хасава" самляжг ю" подандо, хэсь пенсияндо, падро серта пиржа".

Теда, жахакуд мэ"манда" ялэна" нямна жарканаб"на" тара. Вэсэйма ялэна" то"махад сепена" жамгэ, мянужна панта". Хибяжарт тикы, ирмня, ни хант". Таддикахад закон, вато" несэйворжа". Тадри тованда" похо"на пенсия, нямна нани жамгэм, янгамдажгоданакы". Хусувэй едэй юнм, «Госслужы» сер, манэць пир"жава".

Руфина Окотэтто, падвы



# «Няръяна Ѓэрм», недарма

1931 NARJANA ЦЭРМ

1949 НЯРЪЯНА НГЭРМ  
КРАСНЫЙ СЕВЕР

1972 НЯРЪЯНА  
НГЭРМ


1987 НЯРЪЯНА  
ЃЭРМ

1991 НЯРЪЯНА  
ЃЭРМ

1997 НЯРЪЯНА  
ЃЭРМ

2012 НЯРЪЯНА  
ЃЭРМ

2020 НЯРЪЯНА  
ЃЭРМ



## Маханда хэҥг тая

Тюку тадтёда сидяҥгаха-депутаттэ тэрабидонзэ. Окна маниена ненэцянда ню-рагаханана манзаравы Со-мда Тэтако Тэливич Ядне. ветахана янда тер' махан-Илеванда ямбаң' Халмер да хэҥгм' мэҥаць. Ненохо-Седе хардахана иле. Пы-вавна вэсако', пухуци' илам да нарка лекар. Янда ху-сибимдемба ныхымда ни-сувэй таҥоцяҥгана лекарм дя сэй.

ҥацекэсавэй теневадо'. Ҥа-Сэхэряв' Салыхана халям вхы ихинда ха'амвы ман-пэрти' ненэцие нядаба саць заямда тидпой' минреда. тарась. Тад им' ҥэдараб Хабцяҥгат' ҥэдавэда ҥока. Тэтако Тэливич Ядне яха-Тазовской район тер' Со-нанда юнада ядэрна. вет' таява' мальҥгана Тэ-Н. Федоров' тако Тэливичм' мале сян' падвы.

## Ҥармы ненэцие' ед'

Тазовской районхана иле-рдма яля' 50 понэ хэсь ня ҥармы ненэця'; сайнор-яля' ед' районной бюджет-мы', тамальҥгы похо'на хад ҥоной миллиардахад манзаравы хыбјари тад не-вата' 200 миллион есям' ла-рня пенсияндо' ирманя ня-ҥгэта'. Та' ҥок есьдо' тэре-дма есь ня'марпангу'. хомбасяда явна хэбто' ни' ҥокханда саюв' пуња ма-серос.

## Халям' хэвня мирдапидо'

Тазовской районхана иле-Ҥадьбята тарем ериберна, хана ханибтеҥгосяҥгана ма-заводадо' «Сэхэрявм» ню-нзарана ненэця' таҥы хада-бета организация' тер хада-вы халэ' сортато' сер пэръ-ывы халэ' мире тамна мим-ядо'. Теда мэта пона' нер-давэйда. Тиканда халям' дена ирыхад' 40 тонн сэв-пэртя' теда ватабада халэ-рим', пайхам' сямдараць-до' хэвня мирдапидо'. Ня-Тикы хавна тамна 50 тонн марпада есьто' няби целям' пир' халям' ханюйханда ҥавар', манзаяндо' саирка-Тюмень март' ҥэдарайдонзэ. на тарана ҥавэ тэмдаба мэ-Сывы-ватавы халэдо' те-дари тамна мюлевдавэй-эйдонзэ.



## Намдавэда Ҥока—манэмэда Ҥока

Тюку Я. Хабэча тадтавы миндя ненэця' иландо' ням-сидяҥгахана няхаюта' ерня на тасалкурманзэ нянда маниенанда' нюмда Любовь тульд'. Любовь Прокопьев-Проконьевна Неняҥг. Пыда на' манэмэда ҥока, намда-Ензя' яв' няна иле. Тэнзун-вэда ҥока. Тадтаҥгумахана нанда ненэць нянда ҥули' ин-нда ямбаң' хуркари илеми', сидя ненэць нянда ҥули' ин-стихотворения' падыби. Ян-зелеҥаха'. Сятаняҥюм' Вя-да тер' теневадо'. чеслав Иванович Алдоня-Ҥарманда сер' теда тю'у сов. Тикы хасавя Россия'

яна' тигҥывна иленя ҥэрм тер' ненэцие ила' нямна ма-нзаям' минре. Маханяҥы хэвхананда мэна Якутия' тер. Ҥобтарем паднана не Людмила Антоновна Алек-сеева.

Х. Ҥэдалерта' падвы.

## 50 поданда Хая

Шурышкарской районха-да тэвбата, намгэхэванэ се-на Питлярм' нюбета харад ртаҥгуда. Саць мел' ненэць. тая. Тикы харад Саля яв' Сертавы ҥавэда хуркари маханяҥы лаҥг' ниня ҥа. ё тер' ман'яйдонзэ. Тэре Севобтав хады' поҥгана сэв хаюяда.

Тюку мэта ирыханана' ҥарка няна' 50 поданда хан-да. Иланда таруць мэҥада. Ҥэрм тер' ненэцяҥуэ етя сей-хад миндя вадн' ҥэдарама-бива'. Сенз ҥэя! Нёя хаҥ-гур!

Понганандо' ҥоб нядо' харта явна сехэрым ервы. Ҥюмда Геннадий Ефремо-вич Хартаганов. Пыда хэв-хананда иленя нита' илам падтамби. Хусувэй сэбако-цям пэдара' помна мимба-нанда ня'мангуда. Мякан-

Тюку тадтёда сидяҥгаха-на нямда' ти маппенара! Х. Нямбара' падвы.

Хо" саля' хардан' Ты пэрти" ялям' манэ"манзь хан"наваць. Маня" нэрм' тернэ тарця ялэ" нули" нэсесетына". Хусувэй хибя нида ядабтангу, тарана нэмгэдамда хоңгу. Тюку по' мядонди", хардандо' тер" е"эмня юкад вата хасаваю" мядм' мярвыць. Ыобнзер" ма"лэвы" пирдырта" няхато' сырцаць, мирдатани" мэлвидо' пан"наць. Сё мэта", тарана", нацекы сянакултамбада" варемдо' мэ"наць.

## Хо" саляхана

### Ѓаврана" навыдо"на"

Мале няхаромдэй по' Пэ" тер" сянакова' яляхана нэмзам' ясьпа пирдыр҃а". Тюку похона ю" ясьтана" варемдо' мэ"наць. Тарця нюрцямд' сырманзь товы" жокаць. Ѓамзидо' етя пя хыди" ни" нонабидонзь. Харад' тер", мядонда" нобкана навор҃аць.

Поңгандо' хасавахат Павел Вэненго, Николай Тайшин, Семен Лаптандер нерня-на мэць. Нехэт Вера Тоголя', Ирина Неркаги', Татьяна Лаптандер' ясьмы" саваць. Хусувэдо' нэндумда"мам', есясавэй «сертификат»м' ня"мавысь.

Ѓамзам' ясьпа ва"лэй ненэй не, Татьяна Лаптандер лаханась:

- Мань Белоярскхад нэдм'. Мале сидя по' хабарталвахана манзарасетыдм'. Тоенанада яңгу, нянани нэнзелаць. Небо' нани' пирдыр҃адамзь. Си"ми ха҃аць. Тедахав' хар"н сянакованзь таславась. Няхаромдэй҃э ха"мываць. Ѓудани терад та

### Тюнтава

Тюку похо"на илебей" ненэй нэнэця" тюнта҃гова ялэдо' ханярина мэць пир҃ядо'. Ты пэрти" яляхана няхар" мяд' тер" тюнтаць. Ямална" нэвахана мэна ервава" няндо' сава вади" хэтась. Няданда нуди" тер" ня"маць. Ненэй нэнэця҃гат Михаил няби Любовь Яр нэвхы иринати' ила' саир" сер' нопой недам' нэдалта҃наха'. Ерв" няндо' сейхад нэда вади хэтаць. Тарем' маямба хэбидя ялям' мэ"надонзь.

Ненэй няхаюна" нобнзер' хынэси", сенз҃э илеяха'. Ниди' хусувэй серкана нядабаяха'. Невхы иланди' саирм' нерня' минрехя'. Тамна' тыха' нюхути', нюту' нюху" нэдимдембамди'.

### Няватала҃гурта"

Смянхат нэтенано' – тэхэ"на няватала҃гова. Пэвсюмя' някуна, пирдырмито' мале"мяхад нэнэця" мал' няватала҃годаха" сырманзь ма"лыць. Яха' салаба' нимня хадридо' хацебтысь. Нита нерня' Алексей Тайбери ха"мыць. Тыда саць мере"мы". Пуданда Матвей Лаптандер тэвыць. Павел Тайбери нодь" варкась.

### Мел"мана сэдорана"

Выңгана илена" нэрм' тер" ембдяродо' сяхаринда сава" нэсеты". Нацекы", хасава", не" паныдо' манэ"лабтамбиць. Конкурсахана смянхат паскойдо' тэрабиць. Серо тенева" нули" тыхасовна манэсар҃ядонзь. Не" нудо' вадарць падвы", мадавытана" паныдо', ното' паны, мальци" манэ"лабтамба янамбовна нерня' ядаць. Хусувэй" не" ембдяродо' харто' сэдырото' сер' сэдыбавыдонзь.

### Мэбета" сэбар"

Пирдырмидо' ханзер" нэдимдембавам' нэмгэри хардахана серо минрена" харто' тасламбидо'. Сянаковаха"на мал' ныхындо' пирувна варемдо' мэ"наць, няхато' маймбиць. Нюртей҃э ныхыдырта" пэйдаць. Пудандо' ямб санахана санар҃аць. Нани' нопой тоенанадо' – хано" санарпава. Ламбаха"на сюрберти мание-ваць. Тюку по' помнандо' мяд' тер" пирдыр҃аць. Тад пуна таротаха" сыр҃аваць. Няхатата саць мэбетадо' – Илья Лаптандер. Тикы нянда пуд Александр Вануйто' ныхыда ва"мысь. Няхаромдэй҃э Павел Тайбери ха"мыць.

Тарем' Пэ" тер" яхана нопой мэвахана, хаер" нумгана сянакова' ялям' мэ"наваць. Ненэця҃гана нюрцямзь.

Руфина Окотэтто' падвы





## Ямал тахат тоңаш"

**Няхалдюд мяналта", кашем'дюд чет' ты" кан". Новый – Уренгойхана тэхэ"на манслани" дялям «День оленевода» мэ'ңаш". Чуки похона поңкнатуң шана'ко мяналмантуң мэты шанат дяхат мэна" неша" тоңаш".**

Тэхэ"на манслани" дялям Новый – Уренгойхана няхамты мэмаң шедтаматуң. Чуки похона празниктоң ңай Седэ-Яха няна мэҗатоньш. Няхалдюд" няхал ненэй мяту" меҗаш". Шича дяляң дямпан шана'кота мяналяш". Ңэдм' чел" неша" Ямал тахат тоңаш", празникхана шанат районхат", кадтыхит" мэна" тадымэҗаш". Ңошпел няхалдюд мяналта".

Маня" Пюд дяхатана мэна" неша" ңупчики Новый – Уренгодян тоңаш". Мячидельчи" поңкна Енкся Пяк тадымэҗаш, шича тэхэ"на манслани" дяляхана ныптакоманта мэт Новый – Уренгодян каптамай. Вайсы'ку маньшту: «Четаң шанат дяхат мэна" нешади" маньҗат. Мяналта" неша" няматадакудма дяляхана ңука". Кукиты мятчелсамэй томай". Чупей хома шоньшахана ныптаку"». Празникхана хынидмантуң мэты шанат тэмс неша" тоңаш". Няматадакудма дялян томы" нешай" хомана ныптакомаң мэты, кудкади" мероприятия" мэ'ңаш", шанат шана'кома площадки" шедтаҗаш". Хэтмайтуң ңамькутуң ңычим-чемпота" тадымэҗаш", ңамлуд" мичилдпёта".

Шича дяляң дямпан ңошпел дюдкат ва'та" няхалдюд" артист"

кынуҗаш", талаҗаш". Нельчэ'эй дяляхана мяналта" тың канхана няматадакудьяш". Ңайталё касама", неҗи" мяналяш", ңошпел хампляҗкдю" шича тың кан". Ңайталёта" шич'мана ңуп дильшуң мансхальштуш". Тың канхана ңайталёш чепилды" поңкна ңайвахай местам' Пуровский' районхат томы, Самбудкахат мэна Алексей Хатанзеев канаҗаташ. Няматадакудьяш мяналды" ни" поңкна Пуровский'районхат мэна Галина Пяк ңайвахай местан ка'амдяш. Галина тамна нючаңэ хомана ңайталёш тохоҗаш, пыта дельше пимши, ңука мэмаң няматадакудьяш ңайвахай мести" канашту. Шича дяляң дямпан мяналта" шана'куш": нэхэлумпиш", шалди" ңыдна нюкупельш пы'татуң конулпиш", няляң паңк вялкулпиш", ха"муляш", этно-биатлонхана мяналяш". Касами" поңкна нэхэлумпёш Павел Тайбери ңайвахай местам канаҗаш, ни" поңкна Марина Яунгад нэхэляш. Этнобиатлонхана мянадыш пиди нюҗкүэ Юрий Лаптандер ка'амдяш.

Празникан томы" неша" хомана ныптакуш". Тың канхана ңайталёш ңайвахай местам' канады", шана'ко мянадыш нэхэлды" тотуң мидита" мячисы" ня'амҗаш".

Андрей Пяк патмы



# Яйрана не, Пасрана не

(Нердена пеляда 9, 10, 11, 12, 13, 14 номеркана џа)

Тюку ямидхы лаханако Таймыр' няна Усть-Енисейской район' няна илена ненэцяҥгад намдавы. Вадандо' хэтыр" хаця яҥга. Толаҥгобта", инзеленарахада" нэҥгуда". Вадидо' лаханавандо' сер' падвы".

Маҥаха:  
– Нюдя Тасиний, пыдар нэдакэн? Мядима емня тодим, џани хуныдим?

Нюдя Тасиний манма:  
– Хача тасиримна тони'. Саю" янда" ед мандалъяд".

Ѓарка Ѓэпт Ямп манма:  
– Вадам тади', чикар џани саво.

Нюдя Тасиний манма:  
– Такы ненэчал хибя? Сеня" турпнана" тарча ненэчь юҥгуси.

Ѓарка Ѓэпт Ямп манма:  
– Маня" тосава". Неркыхы" ня нопт нысывачь. Ехэрабнант, чикар џарка Неркыхы.

Чикы пуд манма:  
– Мят хаяди! Ялэм-дата нэдимҥгава тутани'.

Мани' нэдалайни'. Ялэмдата хача нэдимчъ мяк" тэвыни'. Мятусидя юр" нэвы. Неркыхы нябами хурэда ханота хэвхана на-дормы. Ихняни мадм: «Пыдхавада нэдида мансаян харвавы"».

Нябами манма:  
– Сававнанинякэди' ту". Ѓапой ханхана товэди'. Сававна мядинчъ нэдаравы нэбнанчи', сидя ханри' нэҥгухунчъ.

Мань мадм:  
– Хача тасиримна тони'. Мюдми хаись. Ѓани мюдту пумна нэдаравась.

Тарем мэнахани некахаюни тоҥаха'. Едду пи.

Ѓарка Ѓэпт Ямп пухучаханта ма:

– Ябе итава" хос"! Мядиндава".

Ѓарка Ѓэпт Ямп нюдя Тасиниян манма:  
– Мюсебнана", Тасиний нид џана хаёса"?

Нюдя Тасиний манма:  
– Мюсеб", няхар" сив яля хун нэҥгу.

Ѓарка Ѓэпт Ямп манма:

– Сидя сив яля мядинчъ пиртава".

Няхар" Неркыхы" мал то". Мядинчъ пыва".

Ѓарка Ѓэпт Ямп хонёда няханта манма:

– Папаков, юркад"! Сеня" чусей мальчгана сит сидебивачь. Нинаси сидю". Чеда юркад"! Саю" мансада". Неркыхы няба, панэдамта та", пивадамта та"!

Нюдя Ѓэпт Ямп тандая нэта ни нулй". Ихняни мадм: «Ѓарка Ѓэпт Ямп џарка нэрха. Нюдяюм тамна џаркарка нэвы».

Нябами нё няна хая, нёныда латаркавна чадалҥа. Нюдя Ѓэпт Ямп пин тарполы". Ѓоб хэван сюрхалкая тарпы". Амгэ серода ёльченакы, мят чу" нив. Нюдя Тасиний хэван нэптаду.

Ѓарка Ѓэпт Ямп тарем ма:



Падта"ма": Руфина Окогэгто' падтавы"



– Нядаҥго нэдва" пюбна" саво. Сив яля хункана Яптоҥэ" тая". Чедари мядинчъ тояма. Такы яхад няхар" Ламдо тэта" мяд" нэди". Мядинчъ џани тояма.

Чи, мядиҥава", сив яля мядиҥава".

Нюдя Тасиний ябелманта сер нямбараҥэ хая. Манма:

– Сидя Ѓэпт Ямп надоюни, не папамчи' сеня" ханавась, чеда тэврав. Ѓоб ханхана

нэдалёрҥанинчъ. Наҥэдя по ямбан панэнта сидя идым нихиюнась мансаптамбю". Ехэрав, не нэбнанта, нибнанта?

Мядинта" то". Ѓани сив яля ямбан мядиҥава".

Ѓарка Ѓэпт Ямп манма:  
– Мяна" хэвхана хабнана" ни тара". Саю ядаптабна" тара. Сидя џарка Яптоҥэ, мяканчи' пэпсури'. Нянана" тобнанчи', хаҥгуди'. Сидя Ламдо тэта, мяканчи' хаяди! Тобнанчи', хаҥгуди'.

Чикы пуд тэдва" нямнакы".

Ѓарка Ѓэпт Ямп манма:  
– Ѓока хан ни тара". Сидлад чибидава". Нюдя Ѓэпт Ямп, нюдя Тасиний нямт пэнд-накэн. Мань џани Неркыхы нями пэндмадм. Сидя мядиндава" ноб хан ни чиҥгу" нихим. Сидя нева" нопт чиҥгуху". Пыдхавади' сэври мэт" нихим.

Чи, хань" нивам. Ѓаркая яха сяд ни нысыва". Саю" нэ мандалмыд". Неркыхы" ян ханмыду тувы", тавыс", вай" тувы".

Ненэча" саюдарчъ чеба". Мани' ханони' мыҥг" хэвня вадал-ҥахаюни'.

Нюдя туҥгу" тарем мамононта:

– Нюдя Тасиний, мерри хэвэн. Чуку ян нэсомадна" сит ха-давнчъ мэдамчъ. Пыдар џани сидя Ѓэпт Ямпха" хэвэн.

Мань џани сэври мэҥадм. Ѓарка Тасиний нив манэс", нивы ту".

(Пелямда нэдиманда газетыхана толара")

«Ненецкий фольклор» толаҥгобць' мюд ханавы. 1976 похона Таймыр' няна Тухард' тер, Ямкина Мария Николаевна' ваде"мы, няданда К.И. Лабанаускас' падвы

Хобцоко" ◀

Таслара", хурка  
вада" сюры"?

”””



Ц

”



КО=ТЕ



ДА



”ЛЫ=РА

Татьяна Сэротэтто' сертавы"

## Ты пэртя" илм' юне"лабтамби"

Нямэхэна ненэй ненэцие" ил' нямна нэда кином' манэ"лабтамба пяц. Нюмда «Мяд' паңг». Нюртейнэ Саляңгард' тернэ манэ"наваць. Пуна Нядаңгард' няна Ты пэртя" сянакова' яля' мальнана маниедонзъ. Тандая' Панаевск', Сёяха', Яр-Саля' терха" нядимдеведо'.

Ханярина культура' мяка"на ма"люржаваць. Саляңгардахана «Мяд' паңган» сырмана" мальнана мэ"ма лабэсава" пан"нась. Нани" хардаха"на нобтики тарцясь. Маня" тадтамбавы", нядаңговы" ненэцие"ня, проектм' минрена Галина Матарас' ня кином' нобкана маниеваць. Хэвы ныланава' яляхана Яр-Саляхана «Яля' сэв"м' нубета мят' нани ханяңыдо' тэвормыць. Юрибей' вымна мюсерта" нидо', райондо' ерво, хардандо' тер хамыць. Галина Ачембоевна нуда' терсавэй товысь. Нядаңговы" няхата сямян сава вади мэ"нась. Пыда ма"нисяв":

– Тюку серкана таравы ёльце цока. Няд"мадва" харто' индо' сер' манзаранахат, факториям' ня"амбадахат, ты пэртяхат, «Ямал"м' нубета общественной движенияхад хомбиваць. Тадтавына" нобт' ма"ламбавы" нина" пэртадо' нани' тоенась. Хусувэй хибя нядаңгусь. Выңгы илаңгад ехэранина" иры' вата' ямбан' хой' няна мэвам' пирдалець. Тадтамбуванзъ тэвравына" яңга мядо ниць мэс", мюсерта" нито' тотрев' илець. Нобнзер' нивы нэб"на" жа", тарця нись нядимд".

«Мяд' паңг» Юрибей яха' хэвхана, Ямальской районхана 2021 похона тадтавы. Владимир Тумаев' сертавы. Танияңы' ё"мана мюсерта" илам' манэ"лабтамби. Ненэй ненэця" ил', хэвняд ховы иңудм' нивы" мэс". Хусувэй яля' нямгэм' пэрцеты", ханзер' илесеты" - тикым' ваде"жа. Жацекы ненэцие" тохолкованзъ хан"мам', нояк" мякато' пуня' турман' харвавам' нядимдемби. Теда' ненэся ханяңы" хардан' харва", несэй иланд' выкта", выңгана илеван' харвана тянёмдана. Тохолко"мандо' пуд мякато' ни" тур".

Кинохона мэвы" нубедо' ти":



Юркаңэ таравы - Юрий Худи, небыда - Галина Матарас, нюдыко няда - Ярослав Худи. Некоңэ таравы - Надежда Евай (Сэротэтто), небыда - Алёна Окоэтто, нисяда - Константин Худи, неняда - Яна Сэротэтто. Сэромы тэта хасаванэ таравы - Сергей Худи, нэвтанахаюда сё мэтаха' Татьяна Лар няби Елена Уфимцева. Хой' терхав" мяд' терсавэй' мале цокаць. Сёдандо' мел' не' Серафима Худи' сё ханавыць. Елена Григорьевна Сусой хасаи' сё ма"лавыць.

«Мяд' паңг"м' маниевы" индо' ядэрабцо" хуркариць. Пыдо' ма"нисям":

– Навна туна" яңговы нэб", илма" яңгодась. Невхэхэд илма" тум' пятабадарихит пере. Теда' не" выңгана хаюрман' ни" харва". Тад' нерня тикы сер" саван' сидна" ни тэвраңгу". Тунд туп", мят' мюй панта. Ту' хабтёб", мя" хавангу, ненэць еркадапилибт" ёхода. Ты пэрма нули" тоенана манзая. Хорамд пятавнданд,

жацекыд ембаданд, нямгэрид тырабтамбданд яңгоб", тэхэ"на мэсь нир пират", илар нерня' ни минд".

Ты пэртя" нямна нэда кино" сертаба тара". Ханзер" илевава" я' тиңгывна манэтадо'. Инда" ядэрабцо" таянэб", ялян' нядимдембида". Тюку илаңгана сава иңудм' хомбади ханзели" нядабидо'. Еся" няд"мам' ханярид хось пир"нада". «Очаг» культурам' нерня' пэрта президентской фонд' еся няд"мяцэ нядимясь.

Анна Яптик' падвы



Газета «Няръяна Нгэрм»	Главный редактор Яр Марина Тэтакучевна	И. о. генерального директора АНО «Ямал-Медиа» Хатанзейский Олег Геннадьевич	№ 15 Подписано в печать 9.04.2026 г. Вышла в свет 11.04.2026 г. По графику: 16.00, фактически: 16.00.	ПОДПИСНЫЕ ИНДЕКСЫ: на год – ПА701, на полугодие – ПР562.
---------------------------	--	---	---	--

Учредитель – департамент внутренней политики ЯНАО (629008, ЯНАО, г. Салехард, пр-кт Молодёжи, д. 9, каб. 708).

Издатель – департамент внутренней политики ЯНАО (629008, ЯНАО, г. Салехард, пр-кт Молодёжи, д. 9, каб. 708)

Газета зарегистрирована – Управлением Федеральной службы по надзору в сфере связи, информационных технологий и массовых коммуникаций по Тюменской области, ХМАО-Югре и ЯНАО от 19 апреля 2012 года.  
Регистрационный ПИ № ТУ72 – 00559

Тираж 3600 экз.

Заказ № 120 тз (тираж 3600 экз.) отпечатан в АНО «Ямал-Медиа»  
Юридический адрес: 629003, Ямало-Ненецкий автономный округ,  
г. Салехард, мкр. Богдана Кнуныяца, д. 1, каб. 106

Фактический адрес: 629007, Ямало-Ненецкий автономный округ,  
г. Салехард, ул. Чубынина, 39А

Газета выходит по субботам.

Цена годовой подписки 166 руб. 84 коп.

В розницу не распространяется.

Адрес редакции: 629003, ЯНАО,  
г. Салехард, мкр. Богдана Кнуныяца,  
д. 1, каб. 106  
тел. +7 (349 22) 4-53-32

E-mail: nn@yamal-media.ru